

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), tačke III i IV Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima – Transfer za raseljena lica i povratnike“ utvrđenih Budžetom Federacije Bosne i Hercegovine za 2023. godinu Federalnom ministarstvu raseljenih osoba i izbjeglica, V. broj: 225/2023 od 16.02.2023. godine („Službene novine Federacije BiH“, broj: 13/23) i člana 26. Pravilnika o unutrašnjoj organizaciji Federalnog ministarstva raseljenih osoba i izbjeglica, broj: 02-02-312-15/23 od 23.03.2023. godine godine, federalni ministar raseljenih osoba i izbjeglica, **raspisuje**

Javni poziv za finansijsku podršku porodiljama povratnicama

I

Objavljuje se Javni poziv za finansijsku podršku porodiljama povratnicama u cilju poboljšanja pronatalitetne politike u mjestima povratka.

II

Pravo na dodjelu novčanih sredstava imaju porodilje povratnice iz kategorije **manjinskog povratka** i to:

1. Da su iz povratničkih domaćinstava na području entiteta Republika Srpska iz entiteta Federacije Bosne i Hercegovine;
2. Da su iz povratničkih domaćinstava na području entiteta Federacije Bosne i Hercegovine iz entiteta Republika Srpska;
3. Da su iz povratničkih domaćinstava na području Brčko Distrikta Bosne i Hercegovine iz entiteta Federacije BiH ili entiteta Republika Srpska;
4. Da imaju prijavljeno prebivalište u opštinama povratka;
5. Porodilje u periodu od 01.07.2022. do 30.06.2023. godine.

III

Iznos novčanih sredstava, zavisit će od ukupnog broja djece u porodici i to:

- Prvo i drugo dijete;
- Treće i četvrto dijete;
- Peto i više djece;

IV

Isplata novčanih sredstava će se izvršiti na transakcijski/tekući račun porodilja.

V

Prijava na Javni poziv treba **obavezno** da sadrži slijedeće dokumente:

1. **Čitko popunjenu i potpisanu prijavu porodilje na Javni oglas, na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića br. 2, 71000 Sarajevo;**
2. **Ovjerena izjava o zajedničkom domaćinstvu (kućna lista), ne starija od 30 dana;**

3. Originalno uvjerenje porodilje o prebivalištu (CIPS) ne stariji od 6 mjeseci (OBAVEZNO);
4. Kopija lične karte;
5. Uvjerenje nadležnog organa o ostvarenom povratku porodilje (Uvjerenje o povratku) (OBAVEZNO);
6. Rodni list novorođenog djeteta/djece rođenih u naznačenom periodu, kao i rodni listovi ostale djece sa kućne liste porodice; (OBAVEZNO)
7. Dokaz o visini prihoda za članove domaćinstva porodilje povratnice:
 - Potvrda o visini prihoda za zaposlene članove domaćinstva, i/ili
 - Ček od PIO/MIO o visini penzije ako je član domaćinstva penzioner, i/ili
 - Potvrda sa biroa za zapošljavanje ukoliko je član domaćinstva nezaposlen ili ovjerena izjava od strane općinskog organa uprave o (ne)ostvarenim godišnjim prihodima, ili
 - Drugi dokaz na osnovu kojeg se može utvrditi imovinsko stanje.
8. Kopija ugovora sa bankom o otvaranju transakcijskog/tekućeg računa porodilje (OBAVEZNO)

Prijave sa svim traženim dokumentima dostaviti lično ili preporučenom poštom na adresu:

**Federalno ministarstvo raseljenih osoba i izbjeglica
Ul. Hamdije Čemerlića br. 2.
71000 Sarajevo**

**sa naznakom
"Prijava na Javni poziv za finansijsku podršku porodiljama povratnicama"**

(Na poleđini koverta navesti ime i prezime podnosioca i tačnu adresu)

Rok za dostavljanje prijava je 30.06.2023. godine

Nepotpune i neblagovremene prijave neće se uzimati u razmatranje.

MINISTAR

Nerin Dizdar

Broj: 05-32-5- -1/23
Sarajevo, 01.06.2023. godine